

佛说月喻经

宋西天三藏朝奉大夫试光禄

卿传法大师施护奉 诏译



南無本師釋迦牟尼佛


说明

本简体校正版《佛说月喻经》电子书，根据《乾隆大藏经》宋元入藏诸大小乘经，第 0943 部，宋西天三藏朝奉大夫试光禄卿传法大师施护奉诏译《佛说月喻经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年四月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说月喻经

宋西天三藏朝奉大夫试光禄

卿传法大师施护奉 诏译¹

如是我闻：

一时，世尊在王舍城迦兰陀竹林精舍，与苾刍众俱。

是时，世尊告诸苾刍言：“如世所见，皎月圆满，行于虚空，清净无碍。而诸苾刍，不破威仪，常如初腊者，具足惭愧，若身若心，曾无散乱，如其法仪，入白衣舍，清净无染，亦复如是。诸苾刍，又如明眼人，或入大水深广之中，或涉江河险恶之处，或履山岩高下之所，以明眼故，而悉能见，离诸疑惧。如前所说，苾刍亦然。诸苾刍，今我所说，犹月行空，清净无碍。譬明眼人，涉履诸险，离诸疑惧。而迦叶苾刍，不破威仪，常如初腊者，具足惭愧，若身若心，曾无散乱，如其法仪。入白衣舍，清净无染。离诸怯惧，亦复如是。”

尔时，世尊复告诸苾刍言：“汝等苾刍，若

¹ 大正藏：西天译经三藏朝散大夫试鸿臚卿传法大师臣施护奉 诏译

入白衣舍时，当起何心、当以何相而入其舍？”

诸苾刍白佛言：“世尊！佛是所归向，佛为诸法本，佛为清净眼，我等不知是义云何？愿佛世尊，善为宣说，令诸苾刍，闻已了知。”

佛言：“诸苾刍，汝等谛听，当善作意，今为汝说。若诸苾刍，欲入白衣舍时，应起无著无缚无执取心，依律仪相而入其舍，虽受利养，但欲为彼作诸福事，随自所得分量而受。复善作意，欲²自不高，于他不下。起如是心，以如是相，应入白衣舍。”

尔时，世尊举手扞空，告苾刍众言：“于汝意云何？虚空有著不？有缚不？有执取不？”

诸苾刍言：“不也。世尊！”

佛言：“若苾刍，以无著无缚无执取心，入白衣舍，亦复如是。”

尔时，世尊又复举手扞空，告苾刍众言：“诸苾刍，于汝意云何？虚空有著不？有缚不？有执取不？”

诸苾刍言：“不也。世尊！”

佛言：“迦叶苾刍亦复如是，以无著无缚无执取心，入白衣舍，虽受利养，但欲为彼作诸福

² 大正藏：於；永樂北藏及龍藏：欲

事，随自所得分量而受。复善作意，于自不高，于他不下。诸苾刍，以是义故，如迦叶苾刍者，应入白衣舍，堪受利养。”

尔时，诸苾刍重白佛言：“世尊！若诸苾刍为白衣说法时，或有清净、或不清净，其事云何？愿佛世尊，善为宣说。”

佛言：“诸苾刍，汝等谛听，当善作意，今为汝说。若苾刍，为欲令他发起信心，及作信心事给施衣服、饮食、坐卧之具、病缘医药，以是利故，为他说法者，此不清净。若苾刍，于佛所说法，安住正见，离诸染污，如炼真金，去除矿秽，见如是法，证如是法，如佛所发起，是法能离生、老、病、死、忧、悲、苦恼，以如是法，为他演说，令他得闻如是法已，随顺修行，于长夜中，得大利乐，以此缘故，发生慈心悲愍等心，由是因故，令佛正法得久住世。诸苾刍，若起如是心，为他说法者，斯则清净。

“复次，诸苾刍，汝等当知，迦叶苾刍能起清净心，为他说法，以清净故，令佛正法得久住世。是故汝等诸苾刍众，亦应如是，如理修学。

“又，诸苾刍，若有能起如是心，为他说法者，我说名为最上清净真实，能令如来正法得久

住世。”

佛说此经已。诸苾刍众，欢喜信受。

佛说月喻经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚧诃. 摩诃斫迦囉嚧吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

